

Uunga siunnersuut:

Angajoqqaatut akisussaassuseqarneq pillugu inatsisip Kalaallit Nunaannut atuutilersinneqarnera pillugu Peqqussummut, Angajoqqaatut oqartussaassuseqarnermut aalajangiinerit il.il. nunani tamalaani atortussanngortinnissaat pillugit inatsisip Kalaallit Nunaanni atuutilersinnissaat pillugu Peqqussummut, Kalaallit Nunaannut oqartussaassutsimut inatsisip allanngortinnissaa pillugu inatsimmut, Aappariilersarnerup inatsisitigut sunniutai pillugit inatsisip Kalaallit Nunaanni atuutilersinneqarnera pillugu inatsimmut, Kalaallit Nunaannut eqqartuussisarneq pillugu inatsimmut aamma Kalaallit Nunaannut pinerluttulerinermut inatsimmut, Eqqartuussisarneq pillugu inatsisip allanngortinnissaa pillugu inatsisip Kalaallit Nunaanni atuutilersinnissaa pillugu Peqqussummut, Aappariilersarneq aappariigunnaartarnerlu pillugit inatsisip allanngortinnissaa pillugu inatsimmut kiisalu inatsisinut assigiinngitsunut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut (UPA 2015/99), aamma

Aappariilersarneq aappariigunnaartarnerlu pillugu inatsisip allanngortinnissaa pillugu inatsisip ilaata Kalaallit Nunaannut atuutilersinneqarnera pillugu Peqqussummut, aappariinnerup inatsisitigut sunniuteqarnera pillugu inatsimmut aamma eqqartuussisarneq pillugu inatsimmut aamma nalunaarsukkamik inooqatigiinneq pillugu inatsisip atorunnaarsinneqarneranut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut (Inuit marluk suaassuseqatigiit akornanni aappariilersarnerup kingunerisaanik nalunaarsukkamik aappariilersarneq pillugu inatsit pillugu peqqussutip atorunnaarsinneqarnera) (UPA 2015/100), aamma

Siunnersuut uunga: Meeqqat illersorneqarnissaat pillugu Haagerimi isumaqatigiissut pillugu inatsisip Kalaallit Nunaanni atuutilersinneqarnera pillugu Peqqussummut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut (UPA 2015/101)

(Pinngortitamut, Avatangiisinut Inatsisinillu Atuutsitsinermut Naalakkersuisoq)

Akissuteqaat

(Pinngortitamut, Avatangiisinut Inatsisinillu Atuutsitsinermut Naalakkersuisoq)

Aappassaanneerreqarnera

Naalakkersuisut Inatsisinut Ataatsimiititaliaq ilaqutariinnut inatsisini ataatsimoortuni aalajangiiffigisassatut siunnersuummik sukumiisumik suliarinninnerannut aammalu Naalakkersuisut aalajangiiffigisassatut siunnersuutaannut Ataatsimiititaliap isumaliutissiissuteqarneranut qutsavigaat.

Angajoqqaat akisussaaffeqarnerat il.il. pillugu immikkoortoq 99-imut Inatsisinut Ataatsimiititaliap allannguutissatut siunnersuutaat Naalakkersuisut tusaatissatut tiguaat aammalu Inatsisartut Inatsisinut Ataatsimiititaliap allannguutissatut siunnersuutaannut tapersiissasut inassutigalugu.

Taamaalillutik aalajangiiffigisassatut siunnersuutit Inatsisinut Ataatsimiititaliap siunnersuuteqarneratut akuerineqassasut Naalakkersuisut inassutigaa.

Inatsisinut Ataatsimiititaliap isumaliutissiissutaannut Inatsisartut tapersiineranni Naalakkersuisut naalagaaffimmi oqartussaasunut saaffiginnissapput aammalu Inatsisartut aalajangiinerat aamma Inatsisinut Ataatsimiititaliap innersuussutai oqariartuutigissallugit.